

**PRESIDENT FERDINAND ROMUALDEZ MARCOS JR.'s
SPEECH AT THE PRESIDENTIAL ASSISTANCE TO FARMERS,
FISHERFOLK AND FAMILIES IN CAR**

Luna, Apayao
July 19, 2024

[00:00:05]

Dios ti agngina. Agricultural Secretary, Secretary Kiko Laurel.

Agtugaw kayo apo.

Adadtoy ti Apayao Lone District Representative, Representative Eleanor Bulut-Begtang; ang Ifugao Lone District Representative, Solomon Chungalao; [applause] the Kalinga Lone District Representative, Representative Allen Jesse Mangaoang; [applause] ti Gobernador tayo, Apayao Provincial Governor, Governor Elias Bulut Jr.; [applause] ken Benguet Provincial Governor, Governor Melchor Diclas; [applause] Ifugao Provincial Governor, Jerry Dalipog, Governor Jerry; [applause] Mountain Province Governor, Governor Bonifacio Lacwasan Jr.; [applause] Apayao Provincial Vice-Governor Remy Albano; [applause] ti Bise Gobernador nga Probinsya nga Abra, Vice Governor Maria Jocelyn Valera-Bernos; [applause] Apayao Municipal Mayor Josephine Bangsil and other local chief executives; adadtoy ti anak ko, ni Vincent Marcos [applause] nga...

Sinama ko para makita niya at sabi niya never pa raw siya nakapunta rito. Ika ko isa na ito sa pinakamagandang lugar sa buong Pilipinas kaya't kailangan kong makita, kaya dinala ko dito sa... [cheers and applause] Ang pinaka-importante na mga kasamahan natin dito ngayon, ang ating mga beneficiary, kayo po na magtatanggap ng mga ating ibibigay na tulong ngayong araw; ang aking mga kasamahan sa gobyerno. Ang gaggayem ken kakabsat, naimbag nga aldaw yuamin!

Masaya po ako na pagkatapos ng ilang --- sinubukan nating pagpunta ay sa

wakas nakarating po tayo dito sa napakagandang lalawigan ng Apayao [applause] upang makasama at makumusta kayong lahat.

[00:02:33]

Narito ako ngayon upang makabawi man lamang sa inyo dahil sa naudlot na pagbisita noong nakaraang taon dulot ng masamang panahon. Kamuntik na naman tayo. Itong araw na ito dahil iyong weather ay talagang nagsimula na ang tag-ulan kaya't lahat ng pinupuntahan namin ay kailangan agahan. Kaya't inuna ko na ang Apayao. [applause]

Tamang-tama rin po ang pagbisita ngayon dahil ipinagdiriwang natin ang Cordillera Month.

Nais ko rin ipaabot ang aking taos-pusong pasasalamat dahil kinilala niyo po ako bilang isang “adopted son” ng Apayao. [applause] Ako po ay nagagalak sa titulo at pangalan na inyong ipinagkaloob sa amin na “Pamengalan” sa akin.

Muli po, maraming salamat sa inyong lahat. Agyamanak unay. [applause]

Higit po sa aking pasasalamat, narito po ako, kasama ng ating ilang opisyal ng pamahalaan, upang maghatid ng tulong sa ating mga minamahal na magsasaka, mangingisda at inyong mga pamilya. Alam naman po nating lahat na maraming kabuhayan ang lubhang tinamaan ng El Niño noong mga nakaraang buwan at ilan sa mga naapektuhan ng matinding tagtuyot ay ang mga sakahan at palaisdaan.

Kaya po, ayon sa aming datos, higit isang bilyong piso, 1.24 billion ang naging pinsala sa sektor ng agrikultura dito sa Cordillera Region na nakaapekto sa kabuhayan ng higit dalawampu't walong libong magsasaka at mangingisda. Hindi po biro ang ganitong laki at lawak ng pagkawala, na sana ay naging pagkain ng maraming pamilya at naging kita ng ating mga kababayan.

Upang gabayan kayo sa inyong muling pagbangon, mamimigay po ang Office of the President ng tig-sasampung libong piso para sa ilang piling magsasaka at mangingisda mula sa Apayao, Abra, Benguet, Ifugao, Kalinga at Mountain Province. [applause]

Sa kabuuan, naglaan kami ng mahigit dalawang daan at animnapung milyong piso para sa ating mga benepisyaryo na ipamamahagi natin sa tulong ng mga pamahalaang panlalawigan ng Cordillera Administrative Region.

Ang DSWD naman ay mamamahagi ng tig-sasampung libong piso rin para sa dalawang libo at limang daang benepisyaryo ng AKAP Program. [applause]

Ito po ay kasama pa rin ang ilang ahensya ng gobyerno na magbibigay ng ayuda sa ilalim ng kani-kanilang mga programa na aagapay sa inyong kabuhatan.

Sinama ko po ang ating mga kalihim na galing sa iba't ibang kagawaran dahil ito po ay aming approach sa gobyerno. Ang tinatawag namin na the whole-of-government approach. Ibig sabihin, pagka mayroon tayong proyekto, pagka mayroon tayong programa, ang ginagawa po namin ay ang buong pamahalaan ay tumutulong para maging matagumpay ang programa o proyekto natin.

Kayo po, hindi lang po --- sasabihin natin kung minsan: Ito DA lang, Department of Agriculture lang ang gagawa niyan. Hindi po, dahil nakakatulong po rin ang DSWD, nakakatulong din po ang DOLE, nakakatulong po ang DTI, nakakatulong po ang DILG.

Kaya po ay sila ang sinasama-sama nating lahat para matiyak natin na maging matagumpay ang ating mga programa. Kaya po sila ay nandito.

Para po sa ating mga magsasaka, ang DA ay mamimigay ng mga punla at samu't-saring makinarya tulad ng traktora, mechanical transplanter, water pump, recirculating dryer, ilan pang mga kagamitan at pasilidad para sa pagtatanim at pag-aalaga ng hayop.

Naglaan din ang DA ng pondo na nagkakahalaga ng pitumpu't pitong milyong piso para sa AgriNegosyo Loan Program upang matulungan kayong makapag-umpisa o mas mapalago ang inyong mga negosyo.

At upang mapalakas ang implementasyon ng Agricultural Insurance Program, may inilaan din po tayong pondo na nagkakahalaga ng higit isang daan at tatlung milyong piso para dito sa inyong rehiyon. [applause]

Upang mapayabong pa ang inyong mga sakahan, magbibigay po ang NIA ng isang Pump Irrigation System at isang Solar Submersible Pump at Irrigation System na nagkakahalaga ng dalawampu't walong milyong piso para sa probinsya naman ng Kalinga. [applause]

Mabibiyayaan din po tayo ng mga lalawigan ng Apayao at isang Irrigation System na nagkakahalaga ng apatnapu't dalawang milyong piso. [applause]

Sa BFAR naman ay mamimigay ng ilang bangka, isang fish hatchery, ilang proyekto para sa integrated farm pond culture sa ating mga benepisyaryo dito sa probinsya.

[00:08:23]

Ang DILG naman ay maghahatid ng financial assistance mula sa ating Local Government Support Fund na nagkakahalaga ng mahigit dalawang daang milyong piso para sa ilang bayan dito sa Cordillera.

Narito din po ang ating DTI na nagbibigay ng pondo para sa pagpapagawa ng ilang Shared Service Facility para sa abel, cacao processing,[at] fruit and vegetable processing sa mga bayan ng Luna at ng Flora. [applause]

Ang DOLE naman ay may handog naman na higit pito at kalahating milyong piso bilang livelihood assistance sa ilang barangay dito sa Apayao. Maglalaan din po ang DOLE ng higit dalawampu't walong milyong piso para sa mahigit apat na libo at dalawang daang pamilya sa ilalim ng TUPAD program. [applause]

Ang TESDA naman ay may handog na tatlong yunit na 3D printing machine, pati na kasama diyan ang mga tool kit, training support fund at allowances para sa ating mga iskolar at ilang institusyon dito sa Apayao. [applause]

Hindi pa po nagtatapos diyan ang paghahatid natin ng tulong dahil mula naman --- kasama din po ang ating mga Congressman na tumutulong dahil po sa Tanggapan po ng House of Representatives sa opisina po ng ating Speaker, Speaker Martin Romualdez, ay naghanda din sila ng tig-lilimang kilo ng bigas para sa lahat ng nakadalo dito sa ngayong araw. [applause]

Higit pa sa ipinapaabot namin na tulong, serbisyo, sinisiguro po natin na hindi maiiwanan ang Apayao at buong CAR sa ating mithiin na sama-samang pag-unlad.

Mayroon na tayong ilang priority project na isinasagawa ngayon dito sa inyong rehiyon. Ang ilan dito ay nasimulan na gaya ng Marimay Earthfill Dam at Piddig-Carasi-Calanasan Road na inaasahan nating matatapos na sa susunod na taon. [applause]

Nagsimula pa iyang kalsadang iyan iyong mga ama natin. Ngayon lang natin matatapos. Gaano katagal... Si Gov. Elias naalala ko, matagal ng --- governor din ako noon. Matagal naming pinag-uusapan ito. Sana mabuo natin. Sana mabuo natin. Ngayon nga, mabubuo na natin. [applause]

Patuloy din po ang pagpapagawa ng Apayao Sports Complex o Convention Center [cheers and applause] at kasalukuyan sinusuri naman ng DPWH ang hinihingi ninyong karagdagang pondo para sa proyektong ito. [applause]

Ngayon naman ay parating ang tag-ulan, minabuti po namin na maghanda

ng pondo, pagkain, non-food item na nagkakahalaga ng higit walumpu't tatlong milyong piso para dito sa region.

Mga minamahal kong kababayan, asahan po ninyo na hindi tumitigil ang inyong pamahalaan upang ipapatupad ang ating mga proyekto at programa na magsusulong ng mas maganda na buhay para sa ating magsasaka at mangingisda [applause] kung hindi ng lahat ng mga mamamayan ng Apayao at buong Cordillera.

Ang tanging hiling ko lamang ay magtulungan at magkaisa po tayo upang makamit natin ang ating magagandang hangarin para sa isa't-isa. [applause]

Asahan ninyo na narito lang ako, nandito lang po ako at ang inyong pamahalaan na handang umagapay sa inyo sa lahat ng oras, anuman ang panahon, ano man ang problema, ano man ang pangangailangan ninyo. [applause]

Kapit-bisig po nating tahakin ang daan tungo sa isang mas produktibo at masaganang bukas!

Agbiag ti mannalon tayo!

Agbiag ti mangngalap tayo! [applause]

Agbiag ti Bagong Pilipinas! [applause]

Dios ti agngina kadakayo amin apo. Naimbag nga aldaw yu amin apo.

[00:13:23]

BAGONG PILIPINAS